



Broj: 03-40-1604/19  
Vogošća, 08.10.2019. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 08.10.2019. godine donio je

**ODLUKU**  
**O IZBORU NAJPOVOLJNIJEG PONUĐAČA ZA PRUŽANJE USLUGE IZRADE IDEJNOG I**  
**GLAVNOG PROJEKTA OGRADE NA STADIONU "EŠREF PUSTAHIJA-EŠO" U SVRAKAMA**

**Član 1.**

Ponuda ponuđača "RMK engineering" d.o.o. Sarajevo, ulica Omladinska do broja 3. Vogošća, odabrana je za pružanje usluge izrade Idejnog i Glavnog projekta ograde na stadionu "Ešref Pustahija-Ešo" u Svrakama, kao jedina formalno-pravno prihvatljiva ponuda, sa ponuđenom ukupnom cijenom nabavke u iznosu od 4.370,00 KM bez uračunatog PDV-a i ponuđenim popustom, odnosno 5.112,90 KM sa uračunatim PDV-om.

**Član 2.**

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 13.09.2019. godine donio Odluku o pokretanju Otvorenog postupka nabavke usluge izrade Idejnog i Glavnog projekta ograde na stadionu "Ešref Pustahija-Ešo" u Svrakama, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 18.09.2019. godine pod brojem: 1353-1-2-193-3-144/19. Sažetak Obavještenja o nabavci objavljen je u "Službenom glasniku BiH" broj: 63/19 od 20.09.2019. godine.

Tendersku dokumentaciju sa Portala javnih nabavki BiH je preuzelo 15 (petnaest) ponuđača. Krajnji rok za dostavu ponuda bio je 04.10.2019. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 04.10.2019. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 03-40-1604/19 iz septembra 2019. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Pro-dom" d.o.o. Sarajevo	7.000,00	/	/	8.190,00
2	"RMK engineering" d.o.o. Sarajevo	4.600,00	5%	4.370,00	5.112,90

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Pro-dom" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.2.1. TD, a u skladu sa članom 46. Zakona traženo je da ponuđači moraju biti registrovani za obavljanje djelatnosti koja je predmet javne nabavke. U svrhu dokazivanja profesionalne sposobnosti ponuđači su bili dužni u ponudi dostaviti dokaz o registraciji u odgovarajućem profesionalnom ili drugom registru u zemlji u kojoj su registrovani ili da obezbjede posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom nabavke, uz napomenu da dokazi koji se dostavljaju moraju biti originali ili ovjerene kopije.

Ponuđač "Pro-dom" d.o.o. Sarajevo je u svojoj Ponudi (strana 6-8 Ponude) kao dokaz za obavljanje profesionalne djelatnosti dostavio ovjerenu kopiju Aktuelnog izvoda iz sudskog registra od 03.10.2019. godine.

Komisija za javne nabavke je smatrala da dostavljena ovjerena kopija Aktuelnog izvoda iz sudskog registra nije ovjerena od strane nadležnog organa na ispravan način. Naime, ovjerena je samo zadnja strana Izvoda, a obzirom da se isti sastoji od više stranica, bilo je potrebno ovjeriti svaku stranicu Izvoda pojedinačno-između stranica, a prema zvaničnom mišljenju datom u Rješenju Ureda za razmatranje žalbi BiH-Podružnica Mostar broj: JN2-03-07-1-729-8/17 od 24.08.2017. godine.

- Tačkom 7.4.1. pod a) TD od ponuđača je zahtjevano da su u posljednje 3 (tri) godine računajući od dana podnošenja ponude, kao pružaoci usluga uspješno realizovali minimalno 1 (jedan) ugovor čiji je karakter i kompleksnost isti ili sličan onom koji se odnosi na predmetnu nabavku u ukupnom iznosu od 12.000,00 KM bez uračunatog PDV-a. Tačkom 7.4.2. pod a) TD su kao dokazi zahtjevani spisak izvršenih ugovora u ukupnom iznosu od 12.000,00 KM bez uračunatog PDV-a u posljednje 3 (tri) godine računajući od dana podnošenja ponude-referenc lista, koju sačinjava ponuđač na svom memorandumu sa potvrdama o izvršenim ugovorima od strane krajnjeg korisnika u skladu sa članom 48. stav 2. Zakona. Ponuđač "Pro-dom" d.o.o. Sarajevo je propustio da dostavi traženi spisak izvršenih ugovora/referenc listu, te je na taj način postupio suprotno jasno postavljenom zahtjevu ugovornog organa iz tačke 7.4.2. pod a) TD.
- Tačkom 7.4.1 pod b) TD su tražene obrazovne i profesionalne kvalifikacije pružaoca usluga ili kvalifikacije njegovog rukovodećeg osoblja i naročito kvalifikaciju lica koja su odgovorna za pružanje konkretnih usluga kako slijedi:
  - 1 (jedno) lice VSS VII stepen-dipl ing. arhitekture, odnosno visoko obrazovanje najmanje II ciklusa Bolonjskog sistema studiranja (koje se vrednuje sa najmanje 300 ECTS bodova) arhitektonske struke, sa položenim stručnim ispitom i 5 (pet) godina radnog iskustva u struci;
  - 1 (jedno) lice VSS VII stepen-dipl ing. građevinarstva-smjer konstrukcije (konstruktivni), odnosno visoko obrazovanje najmanje II ciklusa Bolonjskog sistema studiranja (koje se

vrednuje sa najmanje 300 ECTS bodova) građevinske struke-smjer konstrukcije (konstruktivni), sa položenim stručnim ispitom i 5 godina radnog iskustva u struci;

- 1 (jedno) lice VSS VII stepen-dipl. ing. elektrotehnike, odnosno visoko obrazovanje najmanje II ciklusa Bolonjskog sistema studiranja (koje se vrednuje sa najmanje 300 ECTS bodova) elektrotehničke struke, sa položenim stručnim ispitom i 5 godina radnog iskustva u struci.

Tačkom 7.4.2. pod b) TD je propisano da su ponuđači u svrhu dokazivanja ispunjavanja uslova iz tačke 7.4.1. pod b) TD dužni u ponudi dostaviti sljedeće pismene dokaze i to:

- Diplom o završenoj VSS i Uvjerenje o položenom stručnom ispitu za jednog dipl. ing. arhitekture (VII stepen) i dokaz o radnom iskustvu i radnom angažmanu, odnosno Diplom o Uvjerenje o položenom stručnom ispitu za visoko obrazovanje najmanje drugog ciklusa Bolonjskog sistema studiranja (koji se vrednuje sa 300 ECTS bodova) arhitektonske struke i dokaz o radnom iskustvu i radnom angažmanu;
- Diplom o završenoj VSS i Uvjerenje o položenom stručnom ispitu za jednog inženjera građevinske struke-smjer konstrukcije-konstruktivni (VII stepen) i dokaz o radnom iskustvu i radnom angažmanu, odnosno Diplom o Uvjerenje o položenom stručnom ispitu za visoko obrazovanje najmanje drugog ciklusa Bolonjskog sistema studiranja (koji se vrednuje sa 300 ECTS bodova) građevinske struke-smjer konstrukcije-konstruktivni i dokaz o radnom iskustvu i radnom angažmanu;
- Diplom o završenoj VSS i Uvjerenje o položenom stručnom ispitu za jednog dipl. ing. elektrotehnike (VII stepen) i dokaz o radnom iskustvu i radnom angažmanu, odnosno Diplom o Uvjerenje o položenom stručnom ispitu za visoko obrazovanje najmanje drugog ciklusa Bolonjskog sistema studiranja (koji se vrednuje sa 300 ECTS bodova) elektrotehničke struke i dokaz o radnom iskustvu i radnom angažmanu.

Ponuđačima je Napomenom III (strana 8. TD) jasno stavljeno na znanje da dokazi o radnom angažmanu za sve tražene osobe mogu biti Lista osiguranih lica iz Poreske uprave-nadležne ispostave, Ugovor o djelu ili Ugovor o poslovno tehničkoj saradnji, shodno tački 7.4.1 b).

Ponuđač "Pro-dom" d.o.o. Sarajevo je u svojoj ponudi propustio da dostavi tražene dokaze o radnom angažmanu za Abazović Naidu-dipl.ing. arhitekture, Husić Mufida-dipl. građevinskog inženjera i Fejzić Nedima-dipl.ing. elektrotehnike.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Također, Komisija za javne nabavke je u toku evaluacije ponude ponuđača "Pro-dom" d.o.o. Sarajevo utvrdila da je Projektni zadatak koji je bio sastavni dio TD izradio Samir Hasić-dipl.ing. građevine, koji je ujedno i direktor firme "Pro-dom" d.o.o. Sarajevo, a što je vidljivo uvidom u priloženi aktuelni Izvod iz sudskog registra (strana 6/6 Izvoda).

U skladu sa prethodno iznesenim, Komisija za javne nabavke je smatrala, a shodno relevantnim odredbama Zakona o javnim nabavkama BiH ("Službeni glasnik BiH", broj 39/14), da se predmetni ponuđač uopšte nije ni mogao prijaviti za predmetni postupak javne nabavke.

Detaljnim postupkom pregleda i ocjene ponude, Komisija za javne nabavke je utvrdila da ponuda ponuđača "RMK engineering" d.o.o. Sarajevo ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponude ponuđača "RMK engineering" d.o.o. Sarajevo, te je izvršena računrska provjera dostavljene ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "RMK engineering" d.o.o. Sarajevo, za pružanje usluge izrade Idejnog i Glavnog projekta ograde na stadionu "Ešref Pustahija-Ešo" u Svrakama, kao jedine formalno-pravno ispravne ponude, sa ponuđenom ukupnom cijenom nabavke u iznosu od 4.370,00 KM bez uračunatog PDV-a i ponuđenim popustom, odnosno 5.112,90 KM sa uračunatim PDV-om.

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Dostavljeno:

- 1."Pro-dom" d.o.o. Sarajevo
- 2."RMK engineering" d.o.o. Sarajevo
3. Nadležnoj Službi
4. U dosije
5. a/a

info@prodom.ba  
rusmir.kopic@rmk.ba

